



# ახალი განათლება

29.03-05.04.2018

№11 (805) ბაზოლის 1998 წლიდან

www.axaliganatleba.ge



## როცა მშობლიურ ენას რიგითი საბნის სტატუსის ქვეშ გვარდობენ

„აფხაზური ადმინისტრაცია სკოლაში დასაქმებულ თითოეულ ადამიანს მოუწოდებს, უახი თქვას ქართული მხარისგან, „სხვა სახელმწიფოსგან“ – საქართველოსგან“ განუცხადებენ ყოველგვარი დახმავების გარეშე. უჩივრებს „ანტიკონსტიტუციური“ ქმედებაში ედებათ ბიძი და ისწავლებენ.

თუ ვითარება ახ შეიცვლება, ოქუპირებული გარის ომამდე ტერიტორიაზე ბოლო ქართულენოვანი გამოშვება 2022 წელს დაახსრდება სწავლას.“ – ნონა შონია

გვერდი 4

ტსუ – 100

### ქართული ფილოლოგიის მეტრი

გვერდი 2

ისტორიული სოფალი

### ნიფურია – წარსული, რომლითაც ვამაყოფ!

გვერდი 6

მასწავლებლის გვერდი

### გარდაამკვირვებელი ბიჭურებს შენ!

გვერდი 9

### ამერიკის ელჩის კილავ ერთი სარუქარი ეროვნულ ბიბლიოთეკას



გვერდი 3

### ხარისხი – ესტონური სკოლის მთავარი ორიენტირი

„მეათეოდ გამობატეი, ხაც ესტონური ყოლეებისგან ვისწავლე, ეთმანეთთან თანამშრომლობა და გაყვეთილების მხავადეფიხვინებაა. ახც ეთი შემთხვევაში გაყვეთილი მოსწავლისთვის მოსაწყენი ახ უნდა გახდეს. ინდივიდუალური მუშაობასთან ეთად, მეტი ზგუფეხი მუშაობა, ხაც სმითად სმაეხს ინვევს, მაგჩამ ეს საგაყვეთილო სმაეხის და ბავშვებისთვის ყიდეუ ეფიხი სასიამოვნო და სახარისო ჰიყოყსი. ცოტა და ხარისხიანი – ეს ესტონეთის განათლების სისტემის მთავარი გზავნილია.“

ანა ბაბუნაშვილი

გვერდი 10







საგანმანათლებლო პოლიტიკა აფხაზეთში

# როსა მშობლიურ ენას რიბითი საბნის სტატუსის აღარ გააჩნია

მაკა ყიფინაძე

სიტყვები „გახსოვდეს აფხაზეთი!“, უკვე კარგა ხანია, ბანალურად ჟღერს. სამწუხაროდ, ამ თემაზე ახალს ვერაფერს დავიწყებ, რადგან ახალი არაფერია. უბრალოდ, რაც უფრო ახლოს ეცნობი აფხაზეთში დარჩენილი ქართველების ყოფა-ცხოვრებას, დღევანდელობას, ისმენ მათ ისტორიებს, ნაამბობსა და გაგონილს, ხვდები, რომ მათთან ძალიან შორს ხარ. ფაქტი ერთია, დრო არ აშუშებს ქრილობებს, ის უფრო მეტად გვაშორებს აფხაზეთთან. ერთადერთი იმედი სასწაულია და ამ სასწაულის მოლოდინში, ერთ დროს, საქართველოს ულამაზეს მხარეში – აფხაზეთში, ყველაფერი ქართული ნელ-ნელა უკვალოდ ქრება. ახალს და საიმედოს ვერაფერს დავიწყებ... უბრალოდ, მინდა, კიდევ ერთხელ გადავავლოთ თვალი იქ შექმნილ ვითარებას.

აფხაზეთის ადმინისტრაციის განათლების პოლიტიკა, გალის რაიონის ტერიტორიაზე, ქართული ენის განდევნასა და მისი რუსული სრულად ჩანაცვლებას ემსახურება. წლებია, გალის რაიონის სკოლებში იკრძალება ქართული სახელმძღვანელოების გამოყენება. სასწავლო პროცესი რუსულ ენაზე მიმდინარეობს. მშობლიურ ენაზე განათლების მიღების უფლების შელახვასთან ერთად, სწავლების რუსულ ენაზე იძულებით გადაყვანა უარყოფითად იხსნება გალის რაიონში ხარისხიანი განათლების ხელმისაწვდომობის საკითხზე. იქაურ მასწავლებელთა და მოსწავლეთა აბსოლუტური უმრავლესობისთვის რუსული ენა უცხოა და მასზე სასწავლო პროცესის მაღალ დონეზე წარმართვა პრაქტიკულად შეუძლებელია. ჩვენთან საუბარში სწორედ ამას აღვასტურებს გალის საგანმანათლებლო რესურსცენტრის უფროსი **ნონა შონია**: „სამწუხაროდ, აფხაზეთის ადმინისტრაციის გადაწყვეტილებით, ქართულ ენაზე მოაზროვნე ბავშვები პირდაპირ გადაიყვანეს რუსულენოვან სწავლებაზე. აქ განათლების ხარისხზე საუბარი ზედმეტია. მათთვის (რუსები, აფხაზები) მთავარია, ქართულ ენაზე რუსულად იმეცხველონ.“

თუ ვითარება არ შეიცვლება, ოკუპირებული გალის ომამდელ ტერიტორიაზე, ბოლო ქართულენოვანი გამოშვება 2022 წელს დაასრულებს სწავლას. ეს მიზანმიმართული პოლიტიკაა, რომლის შეცვლა, სამწუხაროდ, ჩვენს ძალებს აღემატება. თუმცა აფხაზეთის ლეგიტიმური ხელისუფლება, აფხაზეთის ა/რ განათლებისა და კულტურის სამინისტრო, საქართველოს მთავრობის, საქართველოს განათლებისა და მეცნიერების სამინისტროს მხარდაჭერით, ყველაფერს აკეთებს შერიგებისთვის, ქართული ენის და, ამავე დროს, აფხაზეთის ენის დაცვა-განვითარებისთვის. ჩვენ ვამბობთ სათქმელს, ვუწვდით შერიგების ხელს, მთავარია მათ სწორად გაიგონ.

გალის რაიონის სკოლებში დომინანტი რუსული ენაა. მასთან შედარებით, მცირეა აფხაზურის, ასევე, უცხოური ენების საათებიც. ნაწილში ქართული ენა საერთოდ აღარ ისწავლება, ნაწილში კი თითო საათამდეა შემცირებული. აფხაზეთში დღეს ხდება ის, რაც თავის დროზე, მე-19 საუკუნის შუახანებში, ვერ მოახერხა მეფის რუსეთმა, რომელსაც სამურზაყანოს ტერიტორიაზე მიზანმიმართულად გახსნილ პირველ საგანმანათლებლო კერებში, ერთკლასიან და ცოტა მოგვიანებით, ორკლასიან სკოლებში, სასულიერო მოძღვრების, კატეხიზმოს, არითმეტიკის თუ სხვა საგნების მხოლოდ და მხოლოდ რუსულ ენაზე სწავლებით უნდოდა ადგილობრივი მოსახლეობისთვის მშობლიური ენა, კილო-კავებიც კი დაევიწყებინა. მა-

შინ ეს ვერ შეძლო მეფის რუსეთმა. სკოლებში დაუშვა ქართული ენის სწავლება და იგი გამოიყენა რუსული ენის შესასწავლად. სამწუხაროდ, დღეს, გალის რაიონის ომამდელი საზღვრების ტერიტორიაზე, არათუ ქართული სკოლა, მალე ქართული კლასიც კი აღარ იარსებებს, ეს მწარე რეალობაა.“

შეგახსენებთ, რომ 1992-1993 წლებში, სამხედრო მოქმედებამდე, გალის რაიონის ტერიტორიაზე 58 ზოგადსაგანმანათლებლო დაწესებულება ფუნქციონირებდა, 13180-ზე მეტი მოსწავლით, 1800-მდე მასწავლებლით და ტექნიკური პერსონალით. მუშაობდა 76 სკოლამდელი დაწესებულება, პროფესიულ-ტექნიკური სასწავლებლები, სასოფლო-სამეურნეო ტექნიკუმი, სახელოვნებო სტუდიები, ბიბლიოთეკები და სხვა მრავალი კულტურულ-საგანმანათლებლო დაწესებულება. სამწუხაროდ, დატრიალებული ტრაგედიის შედეგად, ისევე, როგორც აფხაზეთის სხვადასხვა ტერიტორიაზე, გალის რაიონშიც მთლიანად მოიშალა საგანმანათლებლო სისტემა: დაინვა 19 სკოლა, დაინგრა საბავშვო ბაღები, საგანმანათლებლო და კულტურულ-აღმზრდელი დაწესებულებები, მოსახლეობის საცხოვრებელი სახლები, წარმოება-დაწესებულებები, განადგურდა სოფლის მეურნეობა და ეკონომიკა. დანვას გადაჩენილი სკოლებისა და საბავშვო ბაღების მნიშვნელოვანი ნაწილი ისე გაიძარცვა, აღდგენა შეუძლებელია. სოფლები დღემდე დაცლილია მოსახლეობისგან, ბევრი ადგილი ტყით არის დაფარული.

ომის შემდგომ, 1994 წლიდან, სპონტანურად დაბრუნებულმა მოსახლეობამ (მასწავლებლებმა, მშობლებმა მხარდაჭერით) 31 სკოლაში მოახერხა სასწავლო პროცესის აღდგენა. დღეის მდგომარეობით, გალის რაიონის ომამდელ ტერიტორიაზე, 58 სკოლიდან, მუშაობს 30.

2017-18 სასწავლო წლის დასაწყისში, მეცადინეობას შეუდგა 31 სკოლა 4363 მოსწავლით. სამწუხაროდ, აფხაზეთის ადმინისტრაციის გადაწყვეტილებით, ამ სასწავლო წლის პირველი ნახევრის ბოლოს, მოსწავლეთა მცირე კონტინგენტის მიზეზით, დაიხურა ერთი საბავშვო სკოლა, რომლის მოსწავლეები და მასწავლებლები გადანანილდნენ ახლომდებარე სკოლებში. ამჯერად, 30 სკოლაში სწავლობს 4286 მოსწავლე, რაც გასულ სასწავლო წელთან შედარებით 70 მოსწავლით ნაკლებია. მშობლები ვერ ეგუებიან სკოლების რუსულენოვან სწავლებაზე მიზანმიმართულ გადასვლას, უკვე მერამდენედ ტოვებენ მშობლიურ კუთხეს, საცხოვრებელ სახლებს და შვილებს სწავლას საქართველოს სხვადასხვა კუთხის ქართულ საჯარო სკოლაში აგრძელებინებენ.

**ნონა შონია**: „აფხაზეთში ადმინისტრაციამ ხელოვნურად დააქუცმაცა გალის რაიონი. მისი მნიშვნელოვანი ნაწილი ტყვარჩელის რაიონს გადაეცა, ნაწილი – ოჩამჩირეს. თვით გალის რაიონი „ზედა და ქვედა ზონებად“ გადანანილდა. გალის „ზედა ზონის“ სკოლებში ქართულ ენაზე სწავლების შეზღუდვა 1994-1995 წლებში, რუსული პირველი კლასების გახსნის პრინციპით დაიწყო და ეტაპობრივად, ქართული კლასების განდევნით, ქართული სკოლები რუსულ სკოლებად ჩამოყალიბდა. ამ ზონის სკოლებში ქართულ ენას რიგითი უცხო ენის საგნის სტატუსი მიენიჭა და აფხაზეთის სასწავლო გეგმით თითოეულ კლასში თითო საათი დაეთმო (1 – ენას, 1 – ლიტერატურას). ტყვარჩელისა და ოჩამჩირის „ზონებში“ მოქცეულ სკოლებში, 2008 წლის აგვისტოს შემდეგ, კატეგორიულად აიკრძალა მშობლიური ენისა და ლიტერატურის სწავლება, გათავისუფლდა ამ საგნის 26 მასწავლებელ-

ლი. სამაგიეროდ, გაიზარდა რუსული ენის საათები და სხვა საგნების სწავლებაც რუსულ ენაზე.

გალის „ქვედა ზონის“ სკოლები, 2014-2015 სასწავლო წლამდე, ინარჩუნებდნენ ქართული სკოლების სტატუსს. სამწუხაროდ, გალის აფხაზეთის ადმინისტრაციის ბრძანებით, ამ წლის დასაწყისიდანვე, რუსულენოვან სწავლებაზე იქნა გადაყვანილი აღნიშნულ „ზონაში“ ფუნქციონირებადი 11 სკოლის მოსამზადებელი და I-IV კლასები. ქართველი ბავშვებისთვის, რომელიც წლების განმავლობაში სწავლობდა მათემატიკას თუ საბუნებისმეტყველო საგანს ქართულ ენაზე, სრულიად გაუგებარი გახდა რუსული სიტყვები და ტერმინოლოგია, რამაც უარყოფითი ზეგავლენა მოახდინა არა მარტო განათლების ხარისხზე, არამედ მოზარდებისა და მასწავლებლების ფსიქოლოგიურ მდგომარეობაზე.

აფხაზეთის ადმინისტრაცია არ ცნობს ქართული უმაღლესი განათლების დამადასტურებელ დოკუმენტს. ვაკეეთილების რუსულ ენაზე ჩატარების მიზნით, საზაფხულო არდადეგების პერიოდში, მთელი 2,5 თვე, გალის ჰუმანიტარულ კოლეჯში, „გადაამზადეს“ სხვადასხვა საგნის მასწავლებლები. პედაგოგები იძულებულნი არიან, ჯერ თვითონ ისწავლონ ვაკეეთილი რუსულად და შემდეგ აუხსნან მოსწავლეებს. ვინც ამას არ გააკეთებს, გათავისუფლდება და მის ადგილზე დაინიშნება სოხუმში – „ავუ“-ში ან რუსეთის ფედერაციაში განათლებამიღებული პირი. გალის რაიონის ომამდელ საზღვრებში აღდგენილი ყველა სკოლის ყველა კურსდამთავრებულს, განურჩევლად ეთნიკური წარმომავლობისა, აფხაზეთ ატესტატში მშობლიურ ენად რუსული ენა უნერია. მასწავლებლები (თანამედროვეობის ნამდვილი გმირები), წლებია, საკუთარი სიცოცხლის რისკის ფასად ასწავლიან მშობლიურ ენას, ინარჩუნებენ ქართულ ენას, ქართულ სულისკვეთებას და სამშობლოს სიყვარულს უნერგავენ თაობებს, რასაც თან სდევს შემოწმება-დასჯის მუდმივი მოლოდინი და სამსახურიდან გათავისუფლების, მშობლიური კუთხიდან გაძევების შიში.

ომამდე, გალის რაიონში 76 სკოლამდელი დაწესებულება – საბავშვო ბაღი ფუნქციონირებდა. დღეის მდგომარეობით, ომამდელ საზღვრებში, აღდგენილია მხოლოდ 8 საბავშვო ბაღი, სადაც 502 აღსაზრდელია; ასევე, ფუნქციონირებს სახელმძღვანელო სკოლები – 4 სამუსიკო და ერთი სამხატვრო, სადაც 250-ზე მეტი ბავშვი მეცადინეობს. მთლიანობაში 164 პედაგოგია დასაქმებული. ჩვენ ყველაფერს ვაკეთებთ მათი ხელშეწყობისთვისაც. დროებითი ადმინისტრაციის მოთხოვნა, აღზრდა რუსულ ენაზე მიმდინარეობდეს, აქაც იგივეა. საბედნიეროდ, ამ ეტაპზე, მშობლები და მასწავლებლები, ბავშვების უმეტესობას შეუძლია ქართულ ენაზე იმეცხველება“, – გვიამბობს ქალბატონი ნონა.

აღსანიშნავია, რომ დღეს, აფხაზეთში, საკმაოდ ბევრია სომხური სკოლა. მათ აქვთ უფლება, სომხეთიდან შეიტანონ სახელმძღვანელოები და აკადემიური სომხური ენით განახორციელონ სწავლა-სწავლება. ქართველებს კი, რომლებიც მშობლიურ რაიონში მოსახლეობის დიდ უმრავლესობას შეადგენენ, საკუთარ ტერიტორიაზე ჩამორთმეული აქვთ არა მარტო მშობლიურ ენაზე განათლების მიღების, არამედ გადაადგილების, ცხოვრების, ადგილობრივ ე.წ. არჩევნებში მონაწილეობის, ხმის მიცემის და სხვა უფლებები. ეუბნებიან, რომ არ არიან ადგილობრივი მკვიდრები და აიძულებენ, აიღონ დროებითი ბინადრობის უფლება, რაც საცხოვრებელ კარ-მიდამო-



გალის რაიონის სკოლები





ისტორიული სოფალი

# ნიფურია – ნარსული, რომლითაც ვაჰაყოზ!

ვუძღვნი თავილონის საშუალო სკოლის პედაგოგიურ კოლექტივს, მის წარსულს, აწმყოსა და მომავალს!

დიდი სიამაყით აღვივებ, როცა უფრო ღრმად და საფუძვლიანად გავეცანი ჩემი მშობლიური სოფლის, თავილონის, ნარსულს, მის ისტორიას, სხვადასხვა წყაროში ვრცლად მოხსენიებულ ჩემს „ოდაბადეს“, სადაც მე-17 საუკუნეში უმოღვანაით იტალიელ მისიონერებს: ჯუზეპე მილანელს, ქრისტეფორე კასტელს, არქანჯელო ლამბერტის, ჟაკ ფრანსუა გამბას, ასევე, ცნობილ ევროპელ მოგზაურს, ჟან შარდენს და სხვ. აქ იწერებოდა საეპიკო ნერილები, ეპისტოლეები, იყო წიგნსაცავი, ბიბლიოთეკა, მხატვრობის კერა, სამკურნალო და სავაჭრო ცენტრი, გადიოდა რომსა და კონსტანტინეპოლში მიმავალი გზები...

მიმაჩნია, რომ ჩემი სოფლის ნარსული – ეს არის განსაკუთრებული და სათუთი განძი, რომელიც მეტ ყურადღებას, მეტ პატივისცემასა და გაფრთხილებას იმსახურებს მეცნიერ-მუშაკებისა და გეოლოგ-მკვლევარებისაგან. მინდა ყველა ჩემმა თანამემამულემ, განსაკუთრებით ახალგაზრდა თაობამ, უფრო მეტი იცოდეს ნიფურიაზე, აფხაზეთში მდებარე ამ უძველეს, უდავოდ საინტერესო და ისტორიულ კუთხეზე.

„ნიფურია მეგრულად ნიფონარს ნიშნავს. არის გვარი ნიფურიაც. ერთი ფიქრობენ, რომ ეს სახელი ეკლესიებთან ახლოს ნიფლის დიდი ხეებისგან მომდინარეობს, მეორენი ამ სახელს ვინმე ვაჭარ ნიფურისა უკავშირებენ, რომელსაც აქ პირველად სავაჭრო გაუხსნია, ხოლო შემდგომ მისი შთამომავლობა მარტვილში გადასახლებულა.“

მოგვსენებათ, დროს ვერაფერი აჩერებს, ნარსულს უკან მხოლოდ სამატრიანო წყაროები „აბრუნებს“, ნარსულის ხილვა და შეგრძნება მხოლოდ „დროის მანქანას“ ძალუძს. მოდიო, მივმართოთ ორივე მათგანს და ოთხი საუკუნის უკან გადავინაცვლოთ, „ვესტუმროთ“ მე-17 საუკუნის კოლხეთის ერთ-ერთ უძველეს ცენტრს, დღევანდელი თავილონის წინამორბედს, ჩვენს ნიფურის, რომელსაც იტალიელი მისიონერებისა და ფრანგი მოგზაურების გარდა, ბევრმა ცნობილმა პუბლიცისტმა და საზოგადო მოღვაწემ საინტერესო ნაშრომები მიუძღვნა.

### შემოკლებით გთავაზობთ ამონარიდებს ამ წიგნებიდან:

„ნიფურია იყო ისტორიული სოფელი, რომლის სახელი ცნობილი იყო რომსა და კონსტანტინეპოლში, უფრო გვიან, მთელ ევროპაში. ის იყო ქართული და ევროპული ცივილიზაციის ერთ-ერთი მნიშვნელოვანი კერა იმ დროის ენგურისპირეთში. აქ მოღვაწეობდნენ არქანჯელო ლამბერტი, დონ ჯუზეპე ჯუდიჩი მილანელი, ქრისტეფორე კასტელი, დონ მარი ჟოზეფ ზამბი, ჟაკ ფრანსუა გამბა, ფრანგი მოგზაური ჟან შარდენი და სხვები. ისინი სრულყოფილად ფლობდნენ არა მარტო ლიტერატურულ ქართულს, არამედ დიალექტებსა და ქართველურ ენებსაც.“

ნიფურის შესახებ უამრავი გამოქვეყნებული ცნობა მოიპოვება რომის, ვატიკანის, კონსტანტინეპოლის მუზეუმებში, ლათინურ და სხვა ევროპულ ენებზე.

იტალიელი მისიონერებისა და ევროპელ მოგზაურთა წიგნებში: „სამეგრელოს აღწერა“, „წმინდა კოლხიდა“, „ნერილები საქართველოზე“, „სამეგრელოს აღწერილობა“, „მოგზაურობა საქართველოში“ და სხვა წყაროებში გადმოცემულია ნიფურის მისიონერ ათეული წლების განმავლობაში დაგროვილი შთაბეჭდილებები. სწორედ იტალიელმა მისიონერმა, მხატვარმა და კარტოგრაფმა, ქრისტეფორე კასტელმა შექმნა მე-17 საუკუნეში კოლხეთის რუკა, რომელიც ერთვის არქანჯელო ლამბერტის „სამეგრელოს აღწერას“. კასტელის ფუნჯს ეკუთვნის ნიფურის ხედების უნიკალური ჩანახატები. ნიფურიაში არსებობდა სკოლა, სადაც თეატინელი მისიონერები ქართველ ყმანცილებს ასწავლიდნენ ლათინურს, ქართულს, თეოლოგიას, საღვთო წიგნებს და ა.შ. ნიფურია იყო ცენტრი, საიდანაც კოლხ ბავშვებს გაზავნიდნენ სასწავლებლად იტალიაში. ისინი თავდაპირველად აქ გადიოდნენ სათანადო მომზადებას.

ნიფურია ცნობილია, აგრეთვე, როგორც სამედიცინო ცენტრი, იყო აფთიაქი, წიგნსაცავი, სადაც ინახებოდა საღვთო წიგნები, რომში გამოცემული ქართულ-იტალიური ლექსიკონი, ქართული „ანბან-ლოცვანი“, ჰომეროსის პოემები. სწორედ ნიფურის ტიპის მისიონერების მოსამარაგებლად გამოიცა რომში პირველი ქართული წიგნები.

ნიფურია სამთავროს ერთ-ერთი განვითარებული სავაჭრო ეკონომიკური ცენტრიც ყოფილა. არქანჯელო ლამბერტი წერს: „ბაზრობა იმართება სამეგრელოში სხვადასხვა ადგილას და სხვადასხვა დროს. უმთავრესი ბაზრობა იმართება სექტემბრის პირველ კვირაში ნიფურის ეკლესიასთან. ამ ბაზრობაზე ძალიან ბევრი ხალხი იკრიბება. ზოგჯერ შეიყრება ოცი ათას კაცამდე... მოაქვთ აქ ნაირნაირი შეღებილი და სახეებიანი ტილოები და ირანულ-თურქული შალეები... აქვე იყიდება მარილი, ღომი, თაფლი, ცვილი, ძაფი, ადგილობრივი ტილოები, ქვაბები, თითბერი, მატყლი, ხარები, ძროხები, ცხვრები, თხები... ყველა ამეებს სცვლიან ერთმანეთში, ისე, რომ ფული არ ჩანს“. ბაზრობა შუასაუკუნეობრივი „იარმარკის“ ტიპის ყოფილა. ნიფურია საერთაშორისო ვაჭრობის ცენტრადაც ჩანს, სადაც ჩამოდიოდნენ თურქი ვაჭრები. ტექნიკური სიახლეებიც იქმნებოდა. მისიონერებმა აქ გააკეთეს ნისქვილი, რომელსაც ცხენი ატრიალებდა.

ტყვევებით ვაჭრობის აკრძალვა მოსთხოვეს პატრებმა სამეგრელოს მთავარს. ნიფურია ჰუმანიზმის ცენტრიც იყო და დევნილ ბერძენთა და გასაყიდად განწირულ ტყვეთა თავშესაფარიც! იმდროულად, ძველი ოდიშის თავიგებური და დიპ-

ლომატიური რეზიდენცია, სამეგრელოს ევროპასთან ურთიერთობის კერა გახლდათ. ოსმალეთისაგან შეეწირებოდა სამეგრელოს მთავრის ევროპულ ორიენტაციას პოლიტიკაში, უმთავრესად, ნიფურიაში მოღვაწე მისიონერების მეშვეობით ეცნობოდა რომი.

იქ მოღვაწე პატრები (მისიონერები) ხშირად ასრულებდნენ სამეგრელოს მთავრის ელჩის როლს რომში. ასე, მაგალითად, 1643 წელს, ლევან დადიანმა პაპ ინოკენტი მეათესთან ელჩად გაგზავნა ჯუზეპე მილანელი, რომელიც რომიდან უკან მომავალი, კონსტანტინეპოლში, შეიპყრეს თურქებმა, ჯაშუშობა დასწამეს და ციხეში ჩასვეს. დაიღუპა 1646 წელს.

არქანჯელო ლამბერტი „სამეგრელოს აღწერაში“ ჩამოთვლის მე-17 საუკუნის სამეგრელოს მონასტრებს და წერს, რომ არსებობდა „საეპისკოპოსო ეკლესიები, რომელთაც წინათ ჰყავდა თავისი ეპისკოპოსები, ახლა გადაკეთებულნი არიან მონასტრებად. პირველია ქიანის მონასტერი, მთაზე აშენებული (ახლანდელი ახუნა, ოჩამჩირის რაიონი), მეორეა ნიფურის მონასტერი, რომელიც აშენებულია ვაკეზე, ენგურის ნაპირად. აქ არის ორი ეკლესია ერთად შეერთებული, რომელთაგან ერთი ღვთისმშობლის სახელობისაა, მეორე – წმიდა გიორგისა.“


„...ენგურის პირას, მდინარიდან დაახლოებით კილომეტრზე, სოფელ თავილონის ტერიტორიაზე, ნაბაკების საზღვართან, ვაკეზე აღმართულ ბორცვზე (რომლის ძირიდან გამოდის წყარო უცნაური სახელობებით „ერგუჯარუ“) დღემდე მოღწეული არის რიყის ქვით ნაგები გალავანი, კედლის სისქე ერთი მეტრია, დანარჩენი გალავნის ნაშთი 1-1,5 მეტრის სიმაღლემდე. გალავნის შიგნით ჩანს ნაგებობათა ნაშთები. მოსახლეობა ამ ადგილს დღესაც ნიფურის ეძახის...“

„...1634 წელს სამეგრელოს მთავარმა ლევან დადიანმა იტალიელ მისიონერებს გადასცა ნიფურის ეკლესიები, იქვე ახლოს საცხოვრებელი სახლები, მამულები და ყმები.“

„...ეკლესიის მიცემისთვის კონსტანტინეპოლის პატრიარქი ძლიერ განურისხდა დადიანს და სამეგრელო ერთიანად უნდა შეეჩვენებინა თურმე, ხოლო დადიანმა ყურადღება არავის მიაქცია. დაბინავდნენ რა მისიონერები ასეთ მშვენიერ და მზა მამულში, შეუდგნენ მეგრულის შესწავლას და მალეც შეისწავლეს. მაშინვე დაიწყეს ქადაგება და ხალხის მოვლა, რაოდენადაც კი შეეძლოთ. უნდა ვსთქვათ, რომ განუზომელი და გამოუთქმელია ყოველი ის სიკეთე, რაც ამათ მიაგეს ქართველ ერს, მეტადრე სამეგრელოში.“

„...მისიონერების ზეგავლენით დადიანმა აკრძალა ყმების გაყიდვა. მათ სულ ვერ აღმოფხვრეს ყმების გაყიდვა, მაგრამ მის ასაკრძალვად ბევრი რამ გააკეთეს. ასევე მიიღეს საჭირო ზომები ნათლისუბაზე და ბავშვების მოწავთვლაზე...“

„...მისიონერები მათ მიერ დაარსებულ სკოლაში ზრდიდ-





საგანმანათლებლო ქარა

# სტუმრად საუკუნოვან სკოლაში

ზემო ორღული ერთ-ერთი დიდი სოფელია საჩხერის რაიონში უძველესი სკოლით, ხუთი წლის შემდეგ საუკუნეს რომ იზიარებს და კიდევ ერთხელ გაიხსენებს ისტორიის მესაძირკველებს. მშობლები და მოსწავლეები ამ მნიშვნელოვან დღესასწაულზე კიდევ ერთხელ გამოხატავენ მადლიერებას წინაპართა მიმართ, ვინც იმერეთის მშვენიერ სანახებში, კომპაქტურად დასახლებულ სოფელს ორსართულიანი, ყველაფრით გამართული სკოლა შესძინა, თუმცა გულისტკივილი და სინანული მაინც არსებობს.

– სოფელი იცლება, ცარიელდება, მიწიდან იმდენ სარჩოს ვეღარ ვიღებთ, რომ გვეყოს, ბევრი დედაქალაქისაკენ ან საზღვარგარეთ მიეშურებიან, – შემოგვიჩვენეს პედაგოგებმა და მშობლებმა, მაგრამ, სიამოვნებით დასძინეს, რომ სკოლაში მოსწავლეთა რაოდენობა წლიდან წლამდე იზრდება, რაც დემოგრაფიული პროგრესის მანიშნებელია და იმის იმედს აჩენს, რომ ახლო მომავალში ზემო ორღულის რვანლიანი სკოლა სრული, სამსაფეხურიანი გახდება. ამჟამინდელი VII-VIII კლასელები მაღალ კლასებს შეემატებიან და, ამ შემთხვევაში, განათლებისა და მეცნიერების სამინისტრო თუ ადგილობრივი რესურს-ცენტრი ყველანაირად შეეცდებიან, სოფლის გადარჩენისა და დემოგრაფიული პრობლემის დადებითად გადაწყვეტისათვის, ეს საჭირობო საკითხი ორღულელთა სასარგებლოდ გადაჭრან.

საქართველოს იაკობ გოგებაშვილის პედაგოგთა კავშირის ხელმძღვანელობამ, თავმჯდომარის, პროფესორ გარი ჩაფიძის, პროფესორ ლელა გვეგეძის და გამგეობის წევრთა მიერ შემუშავებული სამუშაო პროგრამით და ამ საზოგადოების ეგიდით, ორსაფეხურიანი სკოლაში ერთი მიზნით გაგვავაზენა – ახლოს გაეცნობოდით სკოლის მოსწავლეთა, მშობელთა, პედაგოგთა ფსიქოლოგიურ განწყობებს, დაინტერესებულიყავით არის თუ არა ბუღინგის შემთხვევები და ზოგადად, გაგვერკვია, რა სჭირდება სკოლას, მოსწავლეს, პედაგოგს.

აქ სტუმრობამ, ქვეყნის ცენტრალურ რეგიონებში არსებული სკოლებისგან განსხვავებით, ღრმად დაგვარწმუნა, რომ ბევრად უკეთესი მდგომარეობაა. ამ ზოგადი ფრაზის დაკონკრეტებას არგუმენტებით შევეცდებით.

სკოლის ტერიტორია შემოღობილი, სუფთა და დაცული ეზოთი, სპორტული მოედნით, ყვავილნარით – სოფლის მშვენიერებაა. კეთილმოწყობილი საკლასო ოთახები, ლაბორატორია, კომპიუტერული კლასი, კვების საინტარაული, საგანგებოდ მოწყობილი ობიექტი, სუფთა საინტარაული წერტილები, სასიამოვნო სანახავია მასპინძლისა და სტუმრისთვისაც. ამ კომფორტს და სასიამოვნო გარემოს მოსწავლეები, პედაგოგები, დირექტორი, მშობელთა აქტიური მონაწილეობით.

**მელანია ჩხიტუნიძე:** „მესამე წელია, რაც სკოლას ვდირექტორობ, არჩევით მოვედი, სკოლაში და კოლეჯში პედაგოგად მუშაობის გამოცდილებით. აქაური ვახლავართ და ბუნებრივია, ჩემს მხარეში ყველაფერი მიყვარს. ეს სკოლაც ვავითავისებ, აქ ჩვენი მეორე ოჯახია, კარგი ვაგებთ და პირველი, რასაც ვცდილობ, ეს არის სკოლის და მოსწავლის უსაფრთხოება. ეს ტერმინი ზოგს ცალმხრივად ესმის, სინამდვილეში, თავისი შინაარსით, ბევრისმომცველია და, პირველ რიგში, გულისხმობს ისეთ საგანმანათლებლო ობიექტს, სადაც, ერთი მხრივ, დარღვეული არ იქნება ბავშვთა და პედაგოგთა უფლებები, ხოლო მეორე მხრივ, ყველას ეცოდინება თავისი მოვალეობები. უსაფრთხო სკოლის შინაგანანებს ყველაზე უკეთ დირექტორი უნდა იცნობდეს და ჩვენი ყოველდღიური საქმიანობაც მოტივირებულია თითოეულ ბავშვზე დაკვირვებით, სასკოლო საქმიანობის აქტივობებით, სწავლა-სწავლების პროცესის სწორად და ეფექტურად წარმართვით, პედაგოგთა მაღალკვალიფიციური მომზადებით, წრეობრივი მუშაობის უზრუნველყოფით, მშობლებთან მუდმივი კონტაქტით და რაღა თქმა უნდა, მატერიალურ-ტექნიკურ ბაზაზე დაუსრულებელი ზრუნვით.

წელს სკოლის გათბობის პრობლემა შეუფერხებლად მოვაგვარეთ, კლასებში სასიამოვნოა შესვლა, დიდ ყურადღებას ვაქცევთ საინტარაული წერტილების სისუფთავეს, კვების რეჟიმსა და რაციონს, მოსწავლეთა ერთი ნაწილი, დასვენებისას, აქ მიირთმევს სასურველ პროდუქტს“.

დასასრულს დირექტორმა დასძინა, რომ ჯერჯერობით გადასაწყვეტია სააქტო დარბაზის პრობლემა, რომლის მოსაგვარებლად, ალბათ, კიდევ მოუწევთ შესაბამის ინსტანციებში მისვლა.



საკლასო ოთახები ჯანმრთელი, მოუსვენარი გოგო-ბიჭებით ავსებულია, 80-ნი არიან, ბევრი იმისათვის, რომ სკოლაში სისხლსავსე, დინამიური, საინტერესო ცხოვრება იყოს, და სამწუხაროდ, ჯერ კიდევ ცოტანი, რათა ყველა კლასი ბოლომდე შეივსოს, გაიზარდოს სწავლებისა და სწავლის მოტივაცია, სკოლა რიცხვობრივად გამრავლდეს.

რაც ყველაზე მეტად ალაფრთოვანებს მნახველს, ეს სკოლის დირექტორის, პედაგოგთა, მოსწავლეთა მაღალი შემოქმედებითობა და კრეატიულობაა. ყველა კლასში თვალსაჩინოების უმდიდრესი მასალა, გაზეთები, ნახატები, ბევრისმთქმელი წარწერები და დაფები, ყველა საგნის პედაგოგის საოცარი გამოგონებანი, რაც მოსწავლეთა და ინტერესებს აჩენს და მოსწავლეებზე ზრუნვასაც გულისხმობს. გადაუჭარბებლად შეიძლება ითქვას, აქ შინაარსისა და ფორმის ისეთი მრავალმხრივობა და მიზანმიმართულებაცაა, რომ დედაქალაქის ბევრ სკოლას შემურდება.

მე-5 კლასელები გვეგებებიან და გვიჩვენებენ კლასში, საუციალურ ქოთანში დარგულ ხეს, რომელსაც ფოთლებად ფურცლები აქვს, რომელზეც მებუთეკლასელთა გულწრფელი წარწერებია. ხე თავად დირექტორმა გამოიგონა იმისათვის, რომ კლასის, შედარებით, ონავარი მოსწავლეები პირადი პასუხისმგებლობით, წარმატებისათვის განწყეო.

სკოლის ცენტრალურ ნაწილში ცნობილი მამულიშვილების, აქაურთა პორტრეტებია – მუხრან მაჭავარიანი, აკაკი წერეთელი და პაოლო იაშვილი. დიახ, თვალსაჩინოების ყველა საშუალებას მიზანი და დანიშნულება აქვს – მოსწავლეთა აღზრდა და სწავლება, რაც მხოლოდ საგაკვეთილო პროცესში არ ეტევა, ამისთვის სკოლაში ბევრი საინტერესო ღონისძიება ტარდება. აქტივობების აქტიური მონაწილეები არიან მერვეკლასელები: დავით კრძელიშვილი, ნიკა იაკობიშვილი, თენგიზ კესარელი, ალექსანდრე მაჭავარიანი, მარი ტოგონიძე, მირზა ჩხიტუნიძე, ლადო ჩოჩორიძე, თიკა ძინძიბაძე, მარიამ ძინძიბაძე; მეშვიდეკლასელები: გივი აზნარაშვილი, ერიკ გაგივი, ზაქრო ხვედელიძე, ზურაბ ფოფხაძე, ირაკლი სადღობელაშვილი, გიორგი კესარელი, რეზო მაჭავარიანი, ქეთევან ძინძიბაძე, ანანო ჩხეიძე, ნია ჩხიტუნიძე და სხვები.

„მშობელი, ყველა კატეგორიისა და ნებისმიერი მიდგომის, ჩვენ გვანდობს შეილს – ეს ძალიან ბევრს ნიშნავს. მისი სწავლა-აღზრდის მონაწილე, სურვილის შემთხვევაში, თვითონ მშობელიც ხდება – ესწრება ვაკვეთილს და საკუთარი თვლით ხედავს პლიუსებსა და მინუსებს“.

ჩვენი მიზანია ისეთი თაობის აღზრდა, რომელიც ქვეყნის ზვალინდელ დღეს გამოადგება. ამისათვის ჩვენი სკოლის პედაგოგიური კოლექტივის არც ერთი წევრი არ იმურებს ძალისხმევას. მე მათ ნდობას, პატივისცემასა და სიყვარულს უცხადებ ყოველდღიურად. გუნდური პრინციპით მუშაობას წარმატებისაკენ მივყავართ და გვეჯერა, მიმდინარე სასწავლო წელსაც მაღალი შედეგებით დავამთავრებთ“.

\*\*\*

ზემო ორღულის სკოლის მოსწავლეთა სამომავლოდ მშობელთა შეხვედრამ ბევრი საინტერესო საკითხის გარკვევა მოითხოვა, კერძოდ, მშობლებს, როგორც ყველგან, აქაც აწუხებთ შვილების კომპიუტერთან მიჯაჭვულობის პრობლემა, ნიგთან დაპირება, შრომის უსიყვარულოება და სხვ. ამ შეხვედრაზე გამოიკვეთა მშობელთა და პედაგოგთა უკმაყოფილება მდარე სატელევიზიო პროგრამების, შოუების, სერიალების ჩვენების გამო. ეს უკვე სენია და ამ სენისაგან განთავისუფლებას ისევ ნიგნი თუ შეძლებს. „ახალგაზრდობა – ნიგნისა და ნიგნიერებისაკენ“ – ეს არის ზემო ორღულის რვანლიანი სკოლის დღეს სამოქმედო დევიზი. სოფლის სკოლის ბიბლიოთეკაც მონოდების სიმალღეზეა და ძალისხმევას არ იმურებს, რომ ნიგნი ყველა მოსწავლის მეგობრად იქცეს.

წარმატება ვუსურვოთ არა მხოლოდ ზემო ორღულის, არამედ იმერეთის ყველა სკოლას და მხარის საგანმანათლებლო რესურსცენტრის ხელმძღვანელს, ცისანა მაჭარაშვილს, რომლის მთავარი მიზანია, რაც შეიძლება მეტი სასიკეთო სიახლე გაჩნდეს სკოლებში და პედაგოგ-მოსწავლეთა შემოქმედებითობა აისახოს სკოლაზე, რაიონსა და მხარეზე.

ლია მარტაშვილი,  
ღონარი ადგილობრივი











მასწავლებლის ბიბლიოთეკა

სასწავლო პროექტები ნივთიერებად მიმდინარე მასწავლებლის სახელმძღვანელო სახელმძღვანელო პროექტები. 11 ლარი

ქართული I-VI კლასები ნივთიერებად მასწავლებლის სახელმძღვანელო პროექტები. 11 ლარი

პროფესიული უნარები დამატებითი სწავლების პროფესიული უნარები. 15 ლარი

მასწავლებლის სამუშაო რევილი მასწავლებლის სამუშაო რევილი. 4 ლარი

ინტერაქტიული მეთოდების კრებული ინტერაქტიული მეთოდები. 6 ლარი

კათედრის გაგების კორცეპტული კათედრის გაგების კორცეპტული. 6 ლარი

მასწავლებლის კალენდარი მასწავლებლის კალენდარი 2017. 5.50 ლარი

სწორი დაწყებითი კვანძების სწორი დაწყებითი კვანძების. 14 ლარი

ინოვაციური გაკვეთილები დაწყებით კლასებში ინოვაციური გაკვეთილები დაწყებით კლასებში. 6.50 ლარი

მოქალაქეთა საინფორმაციო გამოცდებისთვის

კრებულში შესულია პროგრამით გათვალისწინებული თეორიული მასალა და ტესტები. გადამსწავლელი ფენის ქვემოთ მოთვალისწინებული უნიკალური კოდი. ეს კოდი შეიყვანეთ სპეციალურ აპლიკაციაში, რომელიც განთავსებულია გამოცდის მონაწილეთა ოფიციალურ ვებგვერდზე fb.com/bakursulakauripublishing

გეოგრაფია, ქიმია, ბიოლოგია. თითო კრებულის ფასი - 10.90 ლ

ნაშრომი და მომხილველი ნაშრომი

სერია შედგენილია I-VI კლასების მოსწავლეთა მსოფლიო, „კითხვის საათის“ სპეციალური გამოცდებისთვის.

სერის ფასი - 32.40 ლ. ნამდვილი და მოკლე ამბები, ნამდვილი და მოკლე ამბები, ნამდვილი და მოკლე ამბები.

ქართული ენის კრებულები

ეროვნული სასწავლო გეგმით გათვალისწინებული გრამატიკის თეორიული კურსი და სავარჯიშოები.

ქართული ენა, ქართული ენა, ქართული ენა. სერის ფასი 17.70 ლ

„ინტელექტი“ და „არტანუჯი“ გთავაზობთ

გავიაროთ მათემატიკა, გავიაროთ მათემატიკა. ნივთიერებად მათემატიკის სახელმძღვანელოები. 19 ლარი (ერთი ცალი)

პროფესიული გამოცდების სივლასი. ნივთიერებად გამოცდების სივლასი. 15 ლარი

ქართული ენის გრამატიკა. ნივთიერებად ქართული ენის გრამატიკა. 7 ლარი

მთავარი მასწავლებლის სახელმძღვანელო. ნივთიერებად მთავარი მასწავლებლის სახელმძღვანელო. 12 ლარი

ბიოლოგია. ნივთიერებად ბიოლოგია. 6 ლარი

ისტორია. ნივთიერებად ისტორია. 9 ლარი

„ახალი განათლების“ და „ლიბერალის“ ახსოვნილი ახალი საოცრებისთვის. 39.90 ლარი

ფიზიკა. ნივთიერებად ფიზიკა. 10 ლარი

12. ნივთიერებად 12. 10 ლარი

ტესტები ქართულ ლიტერატურაში

საბუნებისმეტყველო და პროფესიული გამოცდებისთვის. ტესტები ქართულ ლიტერატურაში. ნივთიერებად ტესტები ქართულ ლიტერატურაში. 13 ლარი

ხელმოწერის თანხა გადმოირიცხეთ რეკვიზიტებზე: მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერალი ბანკი“, ბ/კ LBRTGE22. 555 411 668, 599 88 00 73, 032 295 80 23